



## KENYATAAN MEDIA MENTERI PERPADUAN NEGARA

### **BERSAMA PERKASAKAN SEMANGAT PERPADUAN**

---

Putrajaya 28 Ogos 2020 - Selamat Hari Kebangsaan kepada semua rakyat Malaysia.

Bersama kita meraikan semangat perpaduan dan memperingati pejuang-pejuang kemerdekaan yang telah membina asas negara yang membolehkan kita berganding bahu dan hidup harmoni sebagai sebuah negara yang bersatu, iaitu Malaysia.

2. Kepelbagaian bangsa, agama dan budaya kita adalah tunggak utama yang mencorakkan tanah air tercinta ini. Kitalah nadi negara dan kita harus hargai khazanah yang tidak ternilai ini. Pembangunan negara kita adalah hasil daripada usaha dan kematangan semua rakyat secara bersama.
3. Seiring kita melangkah ke hadapan, kita harus memainkan peranan masing-masing demi memastikan keharmonian dan perpaduan terpelihara. Lebih penting lagi, semangat ini perlu dipupuk dalam hati dan minda anak-anak muda kita agar Malaysia terus maju dari segi sosial dan ekonomi.
4. Saya menyeru semua rakyat Malaysia untuk sentiasa cekal dan menerapkan prinsip-prinsip Rukun Negara yang berteraskan nilai keamanan, perpaduan dan keharmonian dalam kehidupan seharian. Ianya merupakan asas yang membentuk kemerdekaan kita dan memainkan peranan yang penting dalam pembangunan negara.

5. Meskipun sambutan tahun ini berbeza dari sambutan-sambutan sebelum ini berikutan COVID-19, perasaan cinta terhadap ibu pertiwi dan kekuatan kita sebagai sebuah masyarakat yang bersatu padu tetap teguh. Walau apa jua cabaran yang melanda, pandemik global sekalipun tidak akan mampu mematahkan semangat perpaduan kita.
  
6. Marilah kita semua sentiasa menjaga diri dengan baik dan semoga Malaysia terus diberkati sebagai sebuah negara yang dinamik, maju dan bersatu.

Selamat Hari Kebangsaan, Malaysia.

Stay United. Stay Safe.

#malaysiaprihatin #semangatkekitaan #PerpaduanSuatuKebiasaan

**DATUK HALIMAH MOHAMED SADIQUE**

**Menteri Perpaduan Negara**

28 Ogos 2020

**-TAMAT-**

**Pertanyaan media:**

1. **Lee Hock Keong**, Setiausaha Akhbar  
Tel: 018 - 780 0079
2. **Norhayati Abd Manaf**, Ketua Unit Komunikasi Korporat  
Tel: 012 – 393 5075